

國立中央圖書館 NATIONAL CENTRAL LIBRARY TAIWAN R.O.C.





國立中央圖書館藏





國立中央圖書館 國立中央圖書館, TAIWAN, R.O.C.

206284 v.




合刻塞曲粵草序


往戊戌春季立先生過余海壇
薊門塞曲示余錄藏之今辛丑春
先生自粵歸復過余嘉禾檢其篋
中得兩粵遊草余又手錄將合而
梓之先生固遜謂塞曲多得自馬
上粵草多得自舟中音節弗類宋



合




NATIONAL CENTRAL LIBRARY, TAIWAN, R.O.C.



人燕石也安用市張以取笑大方
余曰不然夫詩猶益也山川之形
勢存焉余嘗至薊未嘗至粵今讀
塞曲戚戚然若陟降於灤河孤竹
之墟讀粵草栩栩然若神遊于五
羊八桂之境也且南遠莫粵若北
遠莫薊若天下限於馬跡車轍而

意在上下四方者豈少也哉余將
推與卧遊者共奚不可乎先生著
述頗富其道真在謬言意言其緒
餘在書札與松軒講義其土直在
薊門兵事及茲二編雖然道器匪
離有味哉莊子履狶之說也孰謂
觀二編者不足以見先生



萬曆辛丑十月望日宛陵沈有容
譔



兩粵遊草

三山陳第

詩

與林培之入粵便道宿石竹岩二首

笙蕭縹緲接飛仙。峭壁參差境自偏。
入洞紫雲迷曲逕。凭欄青靄落平田。
林間伏火還番灶。石上鳴琴不用弦。
乘興已經三蠟屐。莫將踈髻嘆流年。

岩有丹灶石
琴紫雲洞



萬曆辛丑十月望日宛陵沈有容
譔



兩粵遊草


三山陳第

詩

與林培之入粵便道宿石竹岩二首

笙蕭縹緲接飛仙。峭壁參差境自偏。
入洞紫雲迷曲逕。凭欄青靄落平田。
林間伏火還番灶。石上鳴琴不用弦。
乘興已經三蠟屐。莫將踈髻嘆流年。

岩有丹灶石
琴紫雲洞



一宿孤峯上。悠然物外心。鶴歸青海杳。猿嘯碧
雲深。鍾磬僧常定。風塵夢不侵。明朝相別後。因
憶此登臨。

遊九鯉湖

碧澗澄潭。晉古跡。芒鞋藜杖。踏斜曛。八公悟道
空思。漢九子成丹。却羨君濤湧。懸崖秋作雪。煙
生古峴。曉流雲。莫疑頓醒人間夢。鼉鼓鯨音。晝
夜聞。誌載九仙一父所生道成乘鯉而去溪水
懸湖而下聲甚迅烈最能祛人塵慮

重遊南臺

昔慨荆榛滿。今看景色開。前江聯郡邑。列壁掛
樓臺。燈影搖微月。鍾聲落上台。雲鋪平野澗。風
送遠潮迴。坐久僧同定。機忘鳥不猜。蔬畦綠曲
徑。石室淨浮埃。簾捲烟霞入。息虛鶴鶴來。其泉
蘇病渴。香茗醒重醅。最是幽棲處。偏宜作賦才。
一秋遊未厭。欲去更徘徊。

送俞克仁叅戎之任海南其先翁舊宦處



幕府邀賓日論文。銅符新領伏波軍。讀書合變
能如父。控海雄圖又屬君。天遠平臨鮫室淨。月
明清嘯島夷聞。津亭把酒難爲別。長向閩山望
粵雲。

寄送沈士弘將軍使日本

去歲輕裘下海陬。雄心今抵薩摩州。千層巨浪
乘風破。萬里孤帆向日浮。曲送梅金成反間。班
超提劍取封侯。匡時事業憐余病。期尔凌烟閣

上頭

初出閩關值大風雨

危關今始度。從此異鄉人。山色遙連海。榕陰聳
似閩。江湖生客夢。風雨妬閒身。祇有遨遊興。皇
皇非問津。

潮陽道中同林培之侍御

山遊固多奇。路行亦不惡。水滿稻苗長。風來綠
波作。山色帶松陰。帝鶯續鳴鶴。我有所從人。雅

志在林壑相將五岳遊。庶以極寥廓。

潮陽玩月

夕雨初看月。空庭夜自涼。偶然離岳水。忽已到
潮陽。零露先秋色。飛花送曉香。悠悠諸慮寂。玩
賞獨徜徉。

謁文公祠

當年謫宦暫徜徉。歸水韓山久未忘。已有豚魚
知刺吏。更餘肝膽在封章。溪頭樹轉嵐光合。城

下潮來海氣長。宇宙行藏應不偶。漫將盃酒醉

斗牛

公居潮僅六月。山溪樹木至
餘陽。今以韓名貴人之澤甚矣。

海豐道中月夜

明月炯中天。孤雲淨不起。山徑亂猿蹤。溪橋有
魚篋。脩竹隔前村。穿林復渡水。宵行豈不羨。清
景良足喜。

海豐公署玩月

昨宵欣見月。今夜倍光輝。爲愛光浮筆。何論露



滿衣祈聲依閣靜。螢火照窓稀。莫問天驕事。遊人久息機。

惠陽別林培之

偶有羅浮興。同為嶺海行。長程俱借馬。每飯必分羹。疏草聲名重。靈臺化世界。輕今朝忽岐路。黯黯別離情。

羅浮石洞遺像兼化甫

錦田僧舍夜論文。此日羅浮獨吊君。洞裏泉聲

常帶雨。峯頭樹色半侵雲。百年劫節存天地。萬卷遺書探典墳。我亦逃名滄海上。不將麋鹿向人羣。化甫墓室名逃筓。人羣自爲記。後想召出。

寄林培之二首

世路難知已。風塵怯遠遊。因君行色壯。秋月到羅浮。

石泉堪洗耳。山菓薄充糲。勅斷塵中事。同瞻秋

再寄林培之

湖海爭看起逐臣。薦書猶自滯。楓宸八閩論。
去孤竹遠。兩載歸來。一餽食。堂上醉沾斑服酒。
庭前花擁紫荆春。蒲團竹几。羅浮月。應念山中
獨夜人。

洗耳泉

白雲濕懸崖。坐忘幽洞底。風塵久不聞。何事洗
吾耳。

遊青霞洞

青霞巖閣倚層巒。草樹交加翠香漫。短笈歸來
山徑裡。萬松風雨一身寒。

羅浮懷董崇相進士三首

江頭別去兩經秋。獻賦明光賜錦裘。遙約幔亭
并太姥。此時蹤跡在羅浮。

寒林楓葉雨蕭蕭。一夜相思萬里遙。人世飄蓬
元不定。白雲叢桂可相招。

薊北春來兩寄書。南歸消息近何如。青雲莫負



楊雄章太姥山中小結廬

羅浮中秋

雲從玉女散月向鐵橋看
萬籟轉虛寂杯深山
露寒

採芻媿婦

行歌相唱苔采芻羅浮陽山高日易落到家淡
月光

九日口占

羅浮逢九日身在最高峰
把酒看人世白雲還
幾重

九日飲洗耳泉次周彥奎韻解其悲歌之意

羅浮杯酒正重陽宋玉悲秋祇自傷
此日幾人採洞府百年爲客任星霜
層崖水湧蛟龍吼幽澗雲生草樹涼
且把風流酬令節不須岐路嘆
亡羊

感事

城郭紛紛是與非，歲寒郊野杜柴扉。一杯且共
青山醉，無數春花秋。又飛。

宿海珠寺

波心安寶剎，明鏡一珠懸。烟月分城市，樓臺自
洞天。朝看鷓鴣下，夜傍老龍眠。更有諸奇樹，涼
風到客船。

同霍益茂遊集仙臺

冒雨尋巖，扶藜陟嶺，亭雲連一水，白樹接萬

山青透。鶴仙何去，登龍客未醒。願言成小築，巖
晚斲松苓。

竹枝詞二首

羅浮山下有人家，松竹團團澗水斜。塵世機械
渾不識，碧桃依舊是秦花。

西樵山頂有人家，處處山園處處茶。一十三村
烟雨裡，不知禾黍與桑麻。

西樵噴玉泉

溪迴九曲，沅瀑瀉四時。雨。吾自倦游人，欲此結
芳宇。

碧玉洞別霍蓋茂

飛泉灑千仞，委宛隨天風。仰面見絕壁，蒼然松
桂叢。玉虹生樹杪，花雨落杯中。此地一爲別，東
西任轉蓬。

遊白雲洞霍蓋芳昆玉携酒言別

翠壁巧堆結，清流瀉縈迴。躡足陟其巔，隱隱聞

晴雷崖鏘有奇樹，點綴千尺臺。欣然值二妙，一
嘯天風來。班荆坐古洞，採菊酒寒杯。江月忽已
上，握別首重回。

自西樵之端州舟中即事

風落洲前樹，霞明水裡天。人言愁寇盜，吾意愛
山川。久弄黃龍月，閒尋碧玉泉。端州有奇勝，復
買夜遊船。

遊端州七星岩

嶂怪石紫雲懸。頓覺登臨思爽然。神鬼有心
開洞府。星辰何事落芝田。岩迴九坂紅通日。水
漾重湖翠接天。五嶺山川真第一。莫言仙窟在
蓬玄。若有洞絕寺由南遠。而北通云。五嶺南來第一山。又云蓬玄一巖。

遊瑞州石洞懷林培之

九曲溪窮境最偏。玲瓏洞府儼青蓮。岩前擬卜
壘。綸處誰共清風明月船。

遊九星岩在東安郡界內一岩天然佛剎

東岡城外九峰馳。擢秀爭奇並可憐。古洞玲瓏
懸夜月。層崖陰露吐寒烟。虛疑一剎西天上。竇
見雙星北斗邊。風景有餘山壤僻。客來心賞欲
棲禪。

題鄧叅戎燕喜亭用韵

練成虎旅更誰如。表帶雍容水竹居。好客新開
方畝宅。談兵自註六韜書。芳春鳴鳥聲相應。細
雨棠梨葉已舒。衰病獨懸張仲侶。尊前頻憶草

玄廬

康州署中重晤唐文學用韵為答

五嶺飛花二月深。豈期書劍復同臨。風塵莽莽
惟雙眼。今古寥寥獨寸心。暫聽鶯。初依宦舍底。
將鶴夢。向禪林。何當遲暮逢知己。綠酒青灯不
斷吟。

訪李畏卿

當年才志薄青雲。不謂明時受垢氛。白壁暗投

應見錯。黃金衆鑠竟難分。書成孤憤窮何處。酒
對同心喜更醺。今古英雄多偃蹇。試看豐劍斗
閒文。

府江舟中有懷鄧將軍

片帆乘興上蒼梧。雲笠逍遙得自娛。兩岬村烟
風盡掃。一天江月夜同孤。灘頭水轉浮鷓鴣。林
外春深叫鷓鴣。回首忽成千里隔。高談能憶去
年無。

府江懷杜秀才

張建幕府樂湛湛。別後春風月又三。奔走名山
遊不倦。晉連風景醉還堪。江花帶雨紅侵艇。山
樹籠烟綠滿潭。此日相思千里外。不知何處接
高談。

遊風洞山在桂林城中一名疊綠山

疊綠峰高擁碧湍。遙聞仙佩玉珊珊。誰言五嶺
炎蒸地。一道天風萬古寒。

粵西七星岩

七峰高與白雲浮。下有龍宮萬丈幽。把炬更憑
僧指點。出山疑是夢中遊。

遊觀岩

在陽朔縣北七十里亦名宮
岩上洞下水泛舟可入

誰鑿靈關鎖碧流。奇峰羅列擁神洲。雲來晴灑
諸天雨。日落寒生一洞秋。下有龍珠光在窟。仰
看蜃氣結為樓。喚歌不盡晉連興。岩樹依依繫
客舟。

三月三日余生辰也府江即事

年年初度綺筵開。此日風光獨可猜。莽莽江流
依嶂轉，重重樹色拂雲來。欲將客艇成清况，故
向蠻村買濁杯。寂寞繁華俱是幻，碧天空濶任
徘徊。

客有惠崇續方者卻之

回首歸來十七秋。閉門讀易出門游。誰言解組
當青鬃，翻到懸車。長白頭。鏡裡形容隨自老，酒

邊心事不知愁。去年東粵今西粵。萬里滄江一
沒鷗。

昭州江上番別平樂黃大尹

綠樹陰陰草色鮮。他鄉杯酒感風烟。山從桂嶺
開仙府，水湧灘江繞客船。一路共傳黃霸政，五
湖似有向平緣。萍踪重晤知何日，醉後驪歌漫
扣舷。

粵西謁俞虛江先師祠

潞河曾憶別離程。瞻拜猶然舊日情。樓櫓一征
交趾格。經綸三策古田平。門前榕樹清風遠。郊
外耳棠細雨生。獨恨粵東兵變事。至今輿論未
分明。

初討古田賊。著用兵三議。古田今改永寧州。

曉遊小金山

曾登北固金山寺。復上南溟鬱水亭。繞檻波光
番月白。隔江樹色入簾青。雲深鶴唳聲偏遠。塵
斷人來醉亦醒。不用臨流評小大。虛無天地總

浮萍

晚過吳處默祠

撤寺為祠。投香浦會泉皆在其處。

西華廢寺獨行尋。忽拜荒祠帶夕陰。絕島烟浮
香浦遠。諸溪潮湧石門深。山中流水何塵土。竹
下清風自古今。薦罷渚蘋還感慨。月明空照首
陽心。

五層樓登望有感

崔峨樓閣與雲齊。望遠層層轉欲迷。漢帝詔書



人易感越王臺社鳥空啼。天連碧海群山盡。日落青蕪萬壑低。沃土從來歌舞地。莫教黎庶怨珠犀。

夏夜重宿海珠寺

去年曾結海珠盟。最喜重來月色清。波浪茫茫窓外動。帆檣面面鏡中行。雲連村郭塵難到。樹掃星河暑不生。永夜潮迴人獨醒。漁燈滅盡聽鐘鳴。

崖門吊古

君臣同日蹈滄波。宗社淪沉可柰何。潮落崖門苗黍長。月明陵廟杜鵑多。乾坤有淚傷沙漠。江海無情吊汨羅。罷說當年興廢事。白雲孤島且高歌。

送李廣文赴選

所著有北遊草

江烟珠寺綠陰垂。忽喜相逢又別離。南國人倫推郭泰。北遊詩草見王維。青山對酒還何日。絳

帳傳經正此時。世事艱危需俊杰。知君名姓動
形墀。

謁白沙祠用林培之韻

舟入江門花水深。楚雲嘉會細追尋。蒲團久坐
羅浮月。欲把遺編印此心。

楚雲臺名
嘉會樓名

聞大司馬吳容所先生計就端州謁拜生祠
故里傳觴日賞花。別來風雨憐秋茄。新祠山帶
崧臺繞。曲徑門臨錦水斜。帝錫彤弓綬嶺外。

春深棠樹徧天涯。還家無復知音在。徙倚迴廊
幾嘆嗟。

遊惠州西湖

湖上生小菱甚佳
居人採以渡日

虛亭錯落水中央。小艇縈迴數舉觴。雨後橋從
青野斷。月明波引碧灣長。薰葭淼淼堪遺世。菱
芡萋萋可絕糧。堤上醉眠呼不醒。宛然清夢在
錢塘。

劉都諫居永福寺漫贈

野寺君來倍可憐。平湖浩渺近超然。臺名談玄一
塵花成雨。問字諸生酒滿船。

天泉書院論學似楊復所少宰

巍巍精舍俯平川。妙道初聞自別傳。為有靈機
通晝夜。却將生意並魚鳶。三千冠帶環橋水。無
數天花落法筵。莫論從遊俱頓悟。客來歌舞不
知年。

西湖泛舟謝天泉諸文學

偶依山寺隔明河。乘興相將一葉過。草色故隨
舟楫遠。湖光偏向酒杯多。機忘盡日親魚鳥。雨
過輕烟掛薜蘿。却羨青雲諸俊少。尊前吟弄發
高歌。

寓居湖上答駱孝廉次韵

野寺荆榛遊客少。天泉山水為君多。雲來翠浦
波光動。雨散蒼松月色過。最喜窮經追董子。空
餘善飯似廉頗。神交久得忘言意。幾度薰風共

醉歌

鄧歸善招飲白鶴嶺暮歸永福寺有贈

五年同醉意如何興到山陰忽又過亭上開尊
江色遠湖中歸棹月明多薰葭隔水偏依寺鴻
鴈乘秋欲渡河此日政聲誰獨最惠陽桃李徧
絃歌

用韵別王文學

對床風雨總堪憐回首烏山思惘然說劍當年

聯短榻携尊今夜泛輕船客星光照雙溪水歸
興秋生五嶺烟底事匆匆還別去月明相憶望
江天

過朝雲塚

朝雲東坡之妾也
塚在惠州西湖上

美人芳草尚留墳澹澹平湖帶夕氛萬死投荒
携愛妾莫疑狂楚夢朝雲

譚山人七夕雨中携酒過訪鏡湖閣

鵲橋天上正秋期乘興何人訪故知風雨渡河



雙鶴

其

雙鳥健園林下榻一杯遲書番 帝闕名元重
劍取侯封志不衰蒲柳獨慚先髮白欲從蓬島

採仙芝

山人隆慶間
上大禮疏


遲回五嶺亦多時一見論心慰所思海內共看
高士傳囊中剩貯美人詩開尊對兩聊同醉拔
劍歌風故不疑君欲出山吾欲隱白雲何處更
相期

借居鏡湖閣石林周况贈詩用韵答之

十載滄溟理釣絲他鄉又對菊花枝橋連曲徑
松陰合樓倚晴湖日色遲把劍却慙西塞去閉
關猶恐北山移看君著就梁園賦萬里聲名漢
闕知

哭林培之

天涯長別黯消魂淚灑西風落九原諫草已知
懸日月典刑猶在重乾坤清秋慘淡聞隣笛白
杜淒涼掩客門五岳祇今成獨往匣中流水向



誰論

東莞九日譚山人尹文學邀飲西樓追悼

林侍御

重陽又向粵中過
忽慢登樓共嘯歌
白鴈江天憐客久
黃花杯酒爲君多
蒲城樹色秋將老
遠海嵐光晚更和
莫訝醉來偏感慨
知音人去奈愁何

答譚見日贈別時余往康州訪沈刺史

寂寞逢君日
東官數月遊
上書追賈誼
竒策似番侯
江海孤帆夜
風霜滿目秋
封康應不遠
懸榻待南州

山人嘉靖間上時務十事

讀林培之疏刻賦贈蔡生

御史登朝直有聲
爲傳遺草羨高情
燈前讀罷人何在
一夜秋風白髮生

遊三洲岩

石宇玲瓏倚碧灣
白雲僧去洞門閒
扁舟幾度



端溪上此夜登臨帶月還

贈御道鳴將軍征黎大捷

將軍南伐振天聲
擒縱由來百巧生
戈甲自開魚鳥陣
烽烟盡掃虺蛇營
月明碧嶂先驅馬
雨過滄溟爲洗兵
共說黎人終不反
珠崖應築受降城

晉康送御將軍之任惠州

東山拔劍靖蠻荒
旌節翩翩又惠陽
千古襟期

同慷慨百年踪
跡判行藏
歸湖夜雨携姜被
鴈嶺春風醉杜鵑
送旅相看元惜別
莫教雙鯉斷封康

時將軍之兄烏歸善尹白鵞在江處下有堂湖亦名鵞湖

借御將軍遊宿曹溪用韵言別

西來法意重經文
直指真空獨此君
錫落名山驚鶴駕
杯浮古井結龍雲
千年妙偈尋常在
五派傳燈不易聞
偶于南華同一覺
卽有長劍掃蠻氛

鄧元宇將軍征播余自端州送至韶陽賦

贈二絕

新制征西伏虎符
追隨千里有潛夫
平蠻倘過瞿塘下
重疊江心八陣圖

折衝尊俎世無雙
去歲平黎淨海邦
此日先聲乘破竹
洞蠻知縛巨魁降

庚子中秋病漫賦

紫微精舍傍江村
皓月停停露滿園
偶為病魔

欺白髮不緣地主新
青粵少年偏是歡娛甚
孤枕能無醉興存
轉憶羅浮今夜景
提壺深扣酒

家門

康州香山陸大夫祠

漢室公卿業盡閒
雍容裘帶獨憐君
使車頻入蠻夷地
壯節能開嶺海雲
春到山花猶似錦
風來岩桂盡飄芬
當年更進調和策
應是安劉第

一功貫入粵泥附
陀遊康州高山孤營曰事成
以錦累山後過杜鵑花代錦四名錦山



懷家兄時家兄應貢北上

三千花鳥滯東官
匹馬誰同行路難
薊北粵南音信杳
不堪菱被夜生寒

過王唯吾元祿池亭

王嘗令崇陽有聲
時脩廢東志

謝客林泉日晏如
幾因疏草得閒居
湖湘最美中年政
海國新成越絕書
曲徑花明隨舞鶴
清池棹轉雜遊魚
輪臺旦夕思忠讜
未許滄江卧草廬

董廣文話舊

五羊新開郡齊居
宛似當年坐大虛
握手最憐心力破
論交總覺世情疎
官貧尚可供沽酒
客懶何能勝著書
莫厭一毡滄海外
乾坤到處是

蘧廬

大廬名
重湖名處

寄連山戶林懷瓊

聞君清韻十年餘
晤對羊城慰索居
把酒樓臺江樹杳
談玄風雨夜窓虛
南荒兩借神明宰
北

開初投報最書世事艱危應努力野人踪跡只

匡廬

林宮著新會

羊城遇陳邦敬志喜

芙蓉秋色粵江濱忽漫相逢喜可知萬里離居
頻逸訊三旬並榻豈前期興來每憶王猷棹坐
隱還推謝傅棋戲晚白雲思結社為君歸治釣
魚陂

美名于該
亦名坐隱

九日贈莫元慎秀才

當年曾說莫宣卿幾度相過坐月明海內論交
多長者粵中廼席盡諸生飄零秋色已行將暮懷
慨歌聲意未平此日同遊俱落帽風流重見古
人情

九日薄暮同董廣文吳李二文學過唐山

人青門別業

青門肥遯日高眠重九相過欲暮天文賦一時
俱作者風塵何處可逃棹杯臨曲檻花堪醉徑



繞清池竹可憐月落郊原馳馬去白雲猶自戀
歸鞭

謁培之墓有序

培之與余為方外交覽粵東名山殆盡
嘗欲卜築匡廬衡山為終老計去秋長
遊時譚尹二子邀登西樓賦詩流涕今
秋從端州謁墓下過西樓弗忍登也噫
九原不作吾誰與遊

鴻飛葉落蒲江秋絮酒淒淒到隴頭別去經年
荒草長重來千里暮雲愁空餘醉裡羊曇淚不
上吟邊王粲樓結屋匡衡元有約乾坤何事新
同遊

哭王養初有序

養初林定宇友也戊戌余至東官得與
論吐嘗寧寧遠蓋蒼梧故處以其園見
贈已亥北上余實送之江潯今庚子余

至則喪白金陵返矣悲夫

芙蓉江上醉離筵
何意今來倍愴然
作令心勞三異政
憐余手贈九疑編
關山萬里招魂日
芻草三秋感慨年
想對生平林侍御
脩文沽酒在重泉

述遊三首

前年設榻卧羅浮
西粵歸來又及秋
三尺芙蓉雙短劍
飄蓬湖海得真遊

身無朱紱誰為累
家有青山豈是貧
萬里獨來還獨往
馬頭長見四時春
五竿秋色草蕭蕭
駐馬江干近市橋
覆瓿書成聊換酒
青天何處不逍遙

晉別東莞諸友

三年蠟屐漫登臨
歸去栖栖思不禁
寶有絕絃今日淚
虛傳掛劍古人心
秋風匹馬關山遠
落月孤舟雨雪深
珍重諸君憐別意
莫忘魚鴈寄



題音

虔州追懷林培之

與誰同入粵中來一劍西歸意轉哀此夜相思
何處月滿江霜冷鬱孤臺

送康州刺史沈士莊入覲

蓼花紅映錦江隈五馬朝天路向西不見雞豚
驚夜吏但聞牛犢滿春畦嚶嚶坐擁南山秀寶
塔高飛北斗齊明歲過家應早發封康父老望

雲霓

刺史為州
建樓造塔

陳文溪邀遊舜祠

祠殿有二女祠
又有韶音洞

南瞻疊嶺山北挹離江水魏魏蒼帝祠乃在江
之泚恭已儼遺容韶音若滿耳玄德初升聞却
自蒸蒸起殷勤覓五臣四海禹衣理巡符卒蒼
梧九岳旋相似二女泣湘雲淚染斑竹紫帝心
天虛空萬世誰能擬閩南私淑人卓有陳伯子
精一執厥中千載遵彝軌直道固難行三仕亦



三已勸君歸去來深山友鹿豕嗟余常陸沉道
遙良有以君子骨將標善官非所美大舜信吾
師相期永終始

重過陸大夫祠

尉佗秦亂竊南越呂氏臨朝尤橫突陸生兩至
直犢牙滄海明珠歸漢闕君不見區區保聚蠻
夷中欲與隆準爭雄風豈知帝業一劍起乾坤
剖判當誰同又不見凌雲擲與五男子歲時相

過十日止數見不鮮知者誰荅慈自是保終始
每讀史傳長嘆息擇家好時深貽翼襟期爽朗
故不群龍蛇變化奚能測今朝重過錦山祠猶
有杜鵑燁春色

入閩關賦

冬盡霜寒折角巾看梅踏雪又南閩一瓢明月
三峯客萬里青山五嶽身鬢髮別來心共短江
湖歸去夢猶頻懸知門徑荒蕪甚稚子開尊候




主人

曉行崇安道中

午夜發楊庄天邊月一痕冷風翻野燒寒霧暗
橋門樹影參差路鷄聲遠近村客途多不憚高
枕憶鄉園

玉女峯

挿髮山花春自開
瑶池風雨暗飛來
娉婷獨立幔亭下
不受人間玉鏡臺





國立中央圖書館, NATIONAL CENTRAL LIBRARY, TAIWAN, R.O.C.





2000000 NATIONAL CENTRAL LIBRARY, TAIWAN, R.O.C.



國立中央圖書館 NATIONAL CENTRAL LIBRARY, TAIWAN, R.O.C.





XCTWZBL N000006_000770a_00000001_00000001_00000001





國立中央圖書館, 台灣, 中華民國



中國之有河漢也
未易勿忘乎
將山人序生都司心推當金石堂會見有公事
努力出成畫冊歌日鼓勇

...

246x585 v.2



2025 IN USE NATIONAL CENTRAL LIBRARY, TAIWAN, R.O.C



過延津悼林世科固東游叔子

交遊四十年相知如一日踪跡故參商

曹德


膠漆卜築知之西憐君常促滕雪裡美園梅開

中頌江橋自謂永若斯歲寒同隱逸豈意別離

來勿勿報君卒雨雪劍溪頭悲思成首疾寄語

游山人浮生那可必誰當金石堅會見有終畢

努力出風塵酣歌日鼓瑟



兩粵遊草

記

入粵記

萬曆丁酉冬余自清漳歸三山借芝山僧房繙
閱藏經時東莞林培之以御史言事謫閱蓮幕
欲晤予而恐其鑿坏也乃約施良菴先訪已而
培之至入門即曰請為方外交公無避我生談
久之相得甚謹良菴者漳之先達余所嚴事曾

THE NATIONAL CENTRAL LIBRARY, TAIWAN, R.O.C.



官粵中與林有世雅嗣是三五日必一來來必
久坐或談佛經或評將傳至論山水五岳遊意
津津合也時約同遊華林西禪諸寺徜徉竟日
未幾余訪沈士弘將軍於鎮東明年戊戌春仲
遂同泛海觀石牌洋石牌洋者海中孤島上有
一石高百仞餘澗十仞餘宛如碑碣卓然中流
天下奇觀也過此百里則海壇故壘又數百里
則東序東庠閭極界出此夷矣一日乘巨艦破

浪偶闕沙磔舟人驚惶將軍獨自若謂余曰吾
與公豈海中腐骨乎潮長竟脫將軍宛陵人往
在遼左身經百戰故樵臺檝置海壇統舟師捕
寇余因是得極騁覽然每逢奇勝輒思培之培
之亦憶余也四月書來謂將告歸省母羅浮故
名山也足下無意乎余自海上走三山則培之
往鼓山矣後就之鼓山信宿而歸遂同遊靈峯
水口往來凡旬餘五月六日余歸連省告先墳



弄辭吳容所先生十三復至十五日培之先祭
十七余發十八會於宏路驛十九同遊石竹山
二十二日至莆余拜林龍江祠特卒四閱月矣
次日同遊九鯉湖湖大百畝許深莫測也底外
純石其源自數百里來四時常滿溢而奔湃九
滄聲如鼙鼓轟轟震天遊人至此俗慮忘矣其
最勝在水簾洞如烟如雲如雪如波濤洶躍瀾
瀾隨風逸近日色橫照則金碧朗晃變態萬狀

生玩良久舉杯酌賞培之曰匡廬瀑布春夏則
溢冬則涸不若此無分四時也又曰樂哉今日
之遊余曰今遊誠樂使公而為布衣樂豈臧是
乎曰不臧使公而居政府樂豈如是乎曰不加
則相與嘆曰得樂于山水猶莫之加損也况得
樂于性天乎信宿出山培之謂余曰是靈夢聞
天下何為獨無所祈曰素位而行不敢有所希
莫利害禍福到則知之先知庸益乎故三遊石

竹丹遊九鯉無所祈也培之笑而不言二十六
日至泉地主鄧麟石以歸善戶親過家遂邀遊
彌陀岩岩有石室因山石鑿為佛像甚偉前迤
路迤迤石刻榻飲造三字交隆嘉木清泉飛出
樹杪飲數巨觥遂沿澗登坂至葉雲岩列坐澗
曲洗盞清流迭酌至醉此皆清源山西麓也昏
黑始下山六月初三至漳培之問余吾聞漳有
吳學淳閩中長者也持義甚高公豈習其人乎

曰吾老友也回邀與談而去初七出閩關初入
至潮潮城外為韓文公祠余前已丑來潮亦曾
謁祠十六日至惠羅浮惠之望也培之遂歸東
莞余從此入羅浮

居羅浮記

初至惠培之語余曰葉化甫棄賓州刺史歸即
居羅浮晚築石洞書院可居也吾遣人導至彼
化甫門人有居東莞者吾且促之來為石洞主

人已而培之出拜客周子彥奎懷刺來余爲培
之延入語及羅浮周子自謂讀書其處且請爲
余導火遷培之歸吾曰斯化甫門人也吾意欲
踪跡於東莞孰知其客此耶羅浮地主一以相
屬彥奎因邀予歸水南水南其家也其弟廷贊
又留處數日乃入山居石洞六月二十九日也
山多楓樹秋露零落楓葉漸凋竟夜有聲或萬
里無雲月如加明星如加大或風雨驟來溪壑

雷霆或曉起濛濛白雲縷縷入戶與香烟交錯
或夕影橫斜石崖芳草可散步班荆或日色晴
明不寫男婦徭歌遍山谷其致皆足樂也余請
書靜坐忘其非家未幾僕病土人代炊又病余
曰是山靈欲勞我乃就澗汲泉沿崖捨薪自給
晨夕且以餉僕之病者二旬僕愈培之屢書言
欲入山不果也十月末與東莞李大尹及其弟
坦之繼之至宿冲虛觀遂同遊諸勝越三日下

山又三日余亦下山羅浮勝九數處洗耳泉者
泉自山頂下奔經石洞至深澗忽有崖兀起泉
擁崖飛灑如風濤驟落前有潭遊魚出沒旁有
巨石可憇水簾洞比之微澗景石相肖青霞樓
湛井泉所治者壞矣冲虛觀舊觀也葛稚川祀
觀旁石洞青霞冲虛環繞山麓惟黃龍洞在山
西高可五里而巨石如門中一石平坦數畝泉
瀉其上可掬可濯迂流而懸為瀑布玉女峯在

山東亦高五里數石頗奇可登騁望飛雲峰在
山絕巔高三十里許無亭榭可棲遊者鮮至好
事者至席地卧四圍聚竹木焚之以辟嵐瘴又
恐為風雨苦大都羅浮非有寺觀亭臺之儔麗
又無岩洞水石之奇絕遊者往往不履誌所稱
四百三十二峰亦名已耳余讀傳志載羅浮巨
竹節長丈餘皆無有豈古今異時乎惟有五色
鳥大如雀各備一色極鮮明天陰則群飛而至

澗中產九節菖蒲至肥且多靈藥也粵故多盜
率濱江海茲山內外農民淳朴夜戶可不閉余
謂羅浮曠衍闊深信脩真窟宅也然嵐氣更倍
他所讀書者病十七八遊者病十四五有儒生
居十餘年無恙也余問其故曰將進山必寡慾
旬月既出山亦寡欲旬月蓋嵐乘虛而入故進
山宜慎嵐又待虛而發故出山宜慎人知慎進
而不知慎出無惑乎病相踵也余嘆其言嘗以

告諸遊者化甫晚被召出為戶部郎卒于官門
人彥奎輩祀之石洞余居羅浮凡四閱月

遊西樵記

十月晦余訪培之於家拜其母諾第子姪相見
顯如濟如也十一月朔培之駕舟與余往西樵
且曰是月望前吾卜遷壘先室今姑乘閒遊次
日過波羅海謁南海神廟廟起自唐韓文公碑
記具在 國朝因之秩著祀典內有銅鼓徑五

尺其声鏗鉤制甚古雅相傳爲馬核所遺廟前
崗突起上亭扁曰浴日縱觀海天茫淼無際三
日抵海珠寺宿焉寺在羊城南郊海中宋李忠
簡公始建寺面西李公祠面東前後皆亭榭以
近省會遊人雜沓夜景佳矣漁灯錯落天籟風
清對床南軒波清若動于枕席四日飲浮玉祠
五日登海珠六日抵觀山市蓋西樵北麓也次
日雨冒雨登嶺各乘肩輿稍峻則下扶筇以進

午抵雲居少晴遊雲谷歸沽酒勞僕夫宿焉八
日遊四峰書院本霍文敏建也文敏從孫益芳
雅知培之時已有畫羊城獨其第益茂雷飲庭
中桂一株幹大如斗嘉樹也培之爲葬事別去
余復宿雲居次日益茂携酒來邀余登聚仙臺
美哉高而曠江山雲樹應接不遑又與臨玉池
美哉幽而深四圍蒼翠月明可垂釣於石臺乎
晚宿環翠樓次日邀登大科峯美哉崔嵬而秀

諸峯皆旋繞拱揖也是其山之主峰乎次日遊
遊九龍洞美哉九石蟠踞若龍迴泉清冽可烹
而飲也次日遊遊噴玉若美哉清泉循岩磨而
灑落是其玉箔珠簾乎况石室穹然除其黎藿
可隱也次日邀游天湖又觀碧玉泉美哉瀑乎
若白雪連天紛飛杳射且聾如驟雨驚雷也雖
杯勺相屬不禁嘆然寒色矣遂與蓋茂別宿觀
山市將歸也余念西樵奇峰七十二業已登拔

其最勝獨白雲洞在山西麓適雨後連陰道徑
阻澁終于心未愜次日忽天色晴朗余曰山靈
有意乎遂曠屐往益芳偶自五竿歸聞之與蓋
茂携酒越山而至美哉洞府乎別一境界矣其
壁峭而中平其水激而迴復可流杯也木葉飄
墮山菊猶花折之以當酒筍蓋舉觴無并余謝
曰觀止矣雖有他美不敢請矣月色滿林乃別
歌咏而歸西樵故未有稱自霍文敏乃文襄港

文簡卜隱其間遂名聞天下與羅浮埒茶樹重
重包裹如蓮花然周廻四十餘里山宜茶居民
十三村悉藉茶衣食不復知有禾麥桑麻也其
茶叢生而早葉圓而青厚與閩火異或採於春
或採于夏秋白露採者曰露茶其品最佳亦與
閩異余自入山至出山僅旬日益芳嘗者西樵
志爾雅且詳余則記其大而已矣

遊七星岩記

端州七星之勝余故慕寐未至端培之已遺書
與其郡人柔約中屬爲導引仲冬余自西樵來
託宿于其池亭約中遂導余遊出北門望見七
岩蒼紫峻峭曰是其星岩乎中爲石室東爲屏
風又東爲闌風西爲天柱又西爲擔螭又西爲
仙掌西而迤北爲阿坡行五里許見湖清漣漣
潛曰是其瀝湖乎環繞七岩夏則荷花十里隨
度二橋水月宮在焉宮故幽緻前有堂可譙門

外有亭可憇復導余由宮左循削壁石磴而上
盤迴紆曲凡七百步許則玉虛宮在焉倚崖而
構若懸空中南望錦水滄漣羊峽夾束村原城
郭一目盡收余曰奇矣曰未也復導余下泛小
艇掠泛斗亭而東舍舫登陵則三仙觀在焉於
是班荆飲啗復東行至栖霞亭榕陰絕茂又東
百步則蓬萊亭在焉逕長十餘丈兩崖壁立中
容獨行仰見蒼天一線谷風冷冷襲人余曰此

又奇矣曰未也又東百步則流霞島石門臨湖
几筵依洞幽而明窈而寬令人飄飄起塵外之
想余曰此更奇矣曰未也復回舟至水月宮綠
崖而西行則石室若也洞門南闕其內崆峒穿
突入三十餘步左有洞深黑水溢其中迺右轉
而西石鱗射明仰視隱隱樓閣又十餘步則觀
音座在焉石乳下懸結爲纓絡如龍翔鳳舞絢
網紛華即纂組丹青無能彷彿其鬼削而神芳

乎又稍折而北則有小道房並房而西則環翠亭館其口已曠然北向矣遂憇于亭曰竒子余曰竒不可形赫矣夕陽在山乃歸夜取讀圖志遊未徧也越二日余獨往有道人立湖側呼與俱乃其人嘗至武當頗知山水者余謂已游者姑置之導吾遊所未遊遂西之紫竹洞躡峻級而上百餘丈則僧房在焉穿房而東又百餘丈則小窩可棹坐也隨泛小舟東之卧龍洞洞門

懸壁斜飛閉湖水于內舟入而後登岸則有小窩時垂寒矣入窩幾于揮汗益窩夏寒而冬暖洞簷有石倒懸如磬以篙擊之聲極清越亦一竒也復泛舟東北至石洞其岩竒然大廈鄉民祠神於中石乳墮地凝人與獸形竒蓋亞于石室舟回湖上觀人打魚買魚沽酒酌于岩側松陰下道士問卧龍洞何以寒暖皆時也余曰凡水夏則寒冬則暖洞閉水完密水氣熏蒸能無

然乎七星岩與自唐盛于宋石室旁有景福二
字李邕筆也室中題味皆滿瀛溪亦有題名
國朝嘉隆間始漸脩飾今亭臺交映山水益增
奇矣約中年七十餘大有詞藻嘗為學博士亦
輯七星岩志云

遊粵西記

粵西岩洞之勝余聞之稔矣戊戌冬余訪鄧將
軍東山居九星岩下明年己亥二月復訪沈刺

史於康州遊三洲岩此兩粵之界也因鼓棹入
蒼梧竟得昭州船邇府江而進旬日至昭州平
樂令黃文宇舍里人也復為具舟邇離江而進
五日至桂林道經陽朔陽朔兩岸石笋綿延數
十里聳拔瑰奇不相附麗如劍如戟如門如屏
如獅如象如鳳如鯉如美女如仙人如將軍如
端士峯翠卓詭巖嶂變態令人駭目驚心誠天
下無有江濱又有官岩廣三大餘深十丈餘下

水上洞泛舟而入洞懸石乳皆作芝草蓮花泉
從花草中漚漚垂滴人或歌咏則應響縷繞不
絕宛如笙簧余至桂林主藩幕時幕南亦里人
也省會道途坦潔風俗朴茂余既以慕佳山水
至日乘肩輿令奚兒載酒恣其所之所聞三十
里內外無不造也嘗遊風洞山山前後兩洞前
南而後北又皆爽塏窈曲風之所生逕聯兩洞
微狹而長如咽嗑然故其風颼颼颼颼襲人毛

骨名果不虛乎又嘗攷榕樹門相傳唐時所築
城南門也 國初城展益南此門獨存門上老
榕一株根劈為兩分左右而夾門人從門行走
若出榕躋下蒼葉古幹偃蓋浮青數千年物也
先師俞虛江公祠在門北數武余入而拜出而
撫榕聽焉不能去又嘗遊于七星峰始入石門
縈紆而北旁多奇崖玉立路窮有洞窺然其上
石液懸結鯉魚絕育下有洞門俯倭可入其內

深黑土人先備火炬以待燃炬入漸覺膏廣過
關門數重中有神佛像與巨獸形又有潭數處
每遇異景持炬者輒報行僅二里許則從後洞
出矣此其龍宮仙室乎真如夜闌秉燭夢中行
也又嘗遊于象鼻山山濱江如象一石穹窿懸
飛卓于江中儼然象鼻鼻中空明圓如滿月故
又名六月洞旁石臨流清幽雅致踞石嘯歌若
自在月關矣捫石而上復有小洞張南軒刻記

其中又嘗遊於白龍洞洞前臨溪巽卉飛香幽
禽蒼翠唐李公渤賞心處也出洞南行里許則
劉仙岩前有道觀洞門詰曲而上雙洞幽窅復
折而上岩曰泗洲高爽坦平可以眺遠復折而
左則洞蓋奇旁一石池四時常滿蓋此岩斷而
復連洞上有洞宜其爲仙靈宅也郡人劉景宋
元豐中尸解其處故稱劉岩云桂林同府陳文
溪舍友也又邀遊虞山舜祠在焉後祀二妃祠

此爲韶音洞洞左爲南薰亭倚欄眺江烟波香
霽飲至夜分泛舟而還文溪故論學士是日徘徊
俯仰有玄德之思予又嘗遊堯山環桂林山皆
純石獨此積土時春三月杜鵑盛開殆過山嶺
遠望一片紅錦亦奇觀也獨秀山在靖王府中
遊桂林諸山畢薛慕南始導余入直如卓筆池
亭環之最稱嘉應其餘若省春岩龍隱洞隱山
六洞諸處各具一奇使在吳浙不知作何增價

今則不暇具述之矣又余行桂林西郊有

孝穆皇太后父母廟春秋藩司致祭按志

太后粵西賀縣人也少入宮實誕 孝宗事載

國史本姓李訛作紀 孝宗即位訪求宗親

終莫能得迺立廟于粵東隆祀典嗟夫粵西山

川奇秀甲于天下鍾靈 淑后篤祚 聖君豈

偶也哉余自二月末登蒼梧四月初旬回過其

地蒼梧寄酒桑寄生所釀佳者不亞蘇州三白



復欲週左江游都嶠白石阻雨不果歸康州

傳

鄧將軍平黎小傳

瓊黎縱恣不討之日久矣自丙申來酋首黎廣黎馬屎輩糾衆跳梁時出剽掠三州十邑之鄉村無不被其荼毒官兵與戰輒敗射狼既厥入保巢穴則鳥道險遠伏弩于深林最著閩美嘗以一當百是以其志益逞計借之士言之

朝而白叟黃童統請命於制府思名將也制府戴公軫念生民令鄧將軍置對鄧將軍者東山蔡將元宇公也圖上方畧制府心嘉之於是命率所部以已亥夏渡海與雷廉瓊崖兩將分東中西三路以進益東路最當其衝而將軍以身任所難也賊聞兵聚則悉力保磳門磳門奇險實棧道咽喉且環伏善射於前後左右勢既難進議者皆欲歛兵俟秋再舉將軍獨謂滯暑操

戈豈得已哉我一退則兵氣益索賊得秋穫則
當積益多是收功未有期也且成師以出臨敵
而棄之非勇也改其所備無他計畫非智也遂
列陣揚旌聲言欲出水蕉賊果赴備水蕉棄虛
直奔礮門礮之營成賊至併精銳四面射我又
先有皮盾火器人自為戰賊大敗擒其渠魁散
其群醜於是礮門之捷從此轉攻而西北焚
其積聚芟其田禾於是岐筒山根之捷離其

腹心散其脅從於是居碌五指之捷諸蒐獮
外具窮餓逃竄自縊刎于崖谷者不可勝數前
後凡擒賊八人等若干名斬首若干顆俘獲男
婦若干口蕩平鄉村若干處自啓行至班師凡
歷若干月先是鄰黎村民陽順陰逆首鼠兩端
我託之為耳目彼反為賊耳目我也將軍搜得
某某等命誅以徇又賊首某者急來歸順則縱
使招黎馬屎左右皆駭後過期不至復以計擒



之馬屎遠道甚處盡虜其妻妾子女計窮無復
之其黨因縛之以獻中路數年逆寇悉平士民
歡聲動地大都將軍用兵好以整暇弄無遺策
故白皮盾製而弓矢之技窮礮門拔而重關之
險久携貳誅而偵伺之機絕間謀行而保聚之
膽喪此酋首所以卒擒無能漏網也錕然木秀
而風搖名成而衆忌故自海以南親觀厥功者
贊不容口而忌者譁張茲至移易白黑將更恣

置不問於杯酒間語所親曰鍾不佞待待罪行
間以戴制府之知也士固爲知己死今幸奉指
授一方矜平聊藉手以報於始願足矣毀譽之
言亦不敢知嗟夫我 國家大舉征黎衆皆不
下十萬今將軍獨以數千豈惟事半功倍此將
軍之奇也而猶不見于多口則居功不亦難乎
將軍閩溫陵人文武忠孝其建樹固未艾云
野史氏曰余于是捷有感于天人之際始未奉



成命盛大恭已憂將軍繫黎岐頤及奪磧門過
鄧公峰土人皆嘆曰數兆之矣逆酋祭卜以抗
我師輒有迅雷妖蛇之變噫豈偶也哉豈偶也
哉

祭文

祭吳容所先生文

歲己亥二月初四日溫麻山農陳第遊西樵過
德慶始聞火司馬容翁吳老先生之訃已數越

月矣愴然慟哭者久之乃以絮多寓祭曰嗚呼
痛哉丁酉暮春第有漳泉之遊至戊戌身始歸
謁也僅一二見復爲東粵之遊不意浪跡方外
未及言歸而竟抱此永訣之戚也嗚呼痛哉老
先生學術極其端純充養極其完粹功業極其
炳耀德守極其廉貞與夫文章翰墨妙絕當世
史策旂常皆紀之述之無庸更僕矣獨計歸田
以來數年之間賞花觀魚吟風嘯月第未嘗不

從從未嘗不飲未嘗不醉醉未嘗不高歌也
老先生齒長二十年巍然先輩美爵又最尊足
跡半天下閱人最多雅不喜飲酒即燕居無狎
客乃大破調格傾注里閭一狂生嗟嗟此其故
豈能與世俗道哉弟自去冬在羅浮附尺素今
聞仙逝乃在秋末靈神不爽豈亦有鑒于其言
耶第與友人約遊五岳今且憤懣思歸矣然雖
歸也求如曩時之暢飲浩歌豈可得之乎水閣

山興言淒切伏惟尚享

祭林定宇先生文

維萬曆二十七年九月初二日柱史定宇先生

卒之外友弟陳第視殮慟哭七日從譚山人輩

致奠十一日將有康州之行復用酒菓造別於

其靈曰嗚呼先生孝友之行循良之績直諫之

忠善交之敬士大夫君子咸述而誅之矣獨謂

先生純孝人也疽不言病慮貽太夫人憂一旦

去母而逝殆將不瞑目矣乎嗟夫竊有感于范
滂之事也滂志澄清天下既而罹黨錮係縲絏
也白其母曰仲博足以供養滂侍龍舒君地下
存亡各得其所矣今先生有第三人皆賢且孝
知此事母先生得無芥蒂從艾陵公遊于九原
也且今之事母已五十三年昔之事父僅二十
一載昔則諸第未立諸妹未嫁今第則聯輝青
雲內外諸孫繩繩濟濟修問安於曠日兮或功

於此時艾陵公必油然而意得矣幽明一道也死
生一孝也先生又奚憾乎先生天性好遊七閩
名勝半入遊記其約方外第而來也亦將窮四
方之輒中道弗果不已悲夫嗟夫形之所迫一
日三舍神之所至倏忽八極今先生棄形骸而
乘雲氣安知其不翔翔于五岳五鎮之墟逍遙
于三十六洞天七十二福地之表也始先生在
留都朝廷督過臺省一朝而斥逐者三十餘



人留都臣工宜有言而未之言也先生奮不顧
身直以死諍幸而天子聖明薄譴之閔也往
得修其先祠歸得安其正寢先生始顧不及此
旨 君恩所寬也雖終身簞食歿無一錢尺帛
又忠足恆乎哉嗚呼先生之母滂母也所遇又
賢乎滂雖危言激論以身繫風教而定靜謙默
嘗棲心於山水之間語曰高山仰止他日有傳
其事垂于後世安知不有羨慕嘆息之深而蘇

氏母子者乎嗚呼足矣至足矣第自一書冬論
交于闕之僧舍戊戌同爲羅浮西樵之遊今年
夏又同至厓門視宋宮故處茲觸目傷離悲不
能耐夜思之頗得幽明死生之說乃知其不必
悲也理舟西祭敢以所思之意告于靈石嗚呼
哀哉

逍遙遊

逍遙之遊超出世界胸臆灑然如木葉乾枝隨

風東西故今日在此不知後日之在彼後日在
後已忘今日之在此神與造物通意與山川會
或兀坐盤石塊如塑泥或行歌澗底聲徹雲際
或踐行踐草四顧徘徊或箕踞松陰漁樵問答
任還還轉無處不樂若少有揀擇少有番滯便
非逍遙之遊矣逍遙之遊前無往古後無來今
大鵬何大鷓鴣何小朝權何短大椿何長皆化
所偶值吾能混而與之一故巢父非隱莊生非





NSC81222 NATIONAL CENTRAL LIBRARY, TAIWAN, R.O.C



TIFFEN Color Control Patches

Blue

Cyan

Green

Yellow

Red

Magenta

White

3-Color

Black



2025/05/05 NATIONAL CENTRAL LIBRARY, TAIWAN, R.O.C



© 2002 BY NATIONAL CENTRAL LIBRARY, TAIWAN R.O.C.

